

PRIMLJENO
dano _____
20 _____ godine.
SUD BIH SARAJEVO
Ovlašteni radnik suda
P. H. Čukarić

Bosna i Hercegovina



Босна и Херцеговина

Tužilaštvo-Tužiteljstvo Bosne i Hercegovine
Тужилаштво Босне и Херцеговине

Poseban odjel za ratne zločine
Broj: KT-RZ - 165/07
Sarajevo, 14.01.2008. godine

Optužnica KT-RZ-165/07
POTVRĐENA DANA
16.01.2008
Sudija

SUD
BOSNE I HERCEGOVINE
- Sudiji za prethodno saslušanje -

KROJ 04/180
638/2106A
14-01-2008
16:00

Na osnovu člana 35. stav 2. tačka h) i člana 226. stav 1. Zakona o
krivičnom postupku BiH, p o d i ž e m

OPTUŽNICU

PROTIV: ŠKROBIĆ MARKA, sin Drage i Majke Ore, rođene Manović ,
rođen 20.07.1971.godine u mjestu Duratovci, općina Kotor Varoš, JMBG
2007971102758, nastanjen u Vitezu – ul.Stjepana Radića br.48, državljanin
BiH i Republike Hrvatske, po zanimanju zidar, pismen, završena Srednja
građevinska škola, oženjen, vojsku služio 1990.godine u Subotici, bez čina,
bez odlikovanja, srednjeg imovnog stanja, ne vodi se drugi krivični
postupak, u pritvoru po rješenju Suda BiH broj:X-KRN-07-480 od
19.12.2007.godine, a traje do 17.01.2008.godine ili do nove odluke suda.

Što je:

U drugoj polovici 1992. godine, tokom rata u Bosni i Hercegovini, u vrijeme oružanog sukoba, postupio protivno odredbama Međunarodnog humanitarnog prava, pri tome kršeći odredbe člana 3. Ženevske konvencije o zaštiti civilnih lica za vrijeme rata i člana 51. stav 1, 2 i 3 Dopunskog protokola I, uz Ženevsku konvenciju o zaštiti civilnih lica u vrijeme rata od 12.08.1949. godine, tako što je

Dana 31.07.1992. godine u ranim jutarnjim satima, u mjestu Novo Selo, opština Kotor Varoš, kao pripadnik jedinice HVO Kotor Varoš, zajedno sa još četvoricom naoružanih lica, došao pred porodičnu kuću [REDACTED] a nakon prethodnog lupanja na vrata, ušao u kuću i naredio [REDACTED] da odmah napuste kuću, istjeravši ih napolje, a potom iz druge kuće koja se nalazila u istom dvorištu, izveo [REDACTED] nakon čega ih je, zajedno sa drugim vojnicima, poveo u pravcu sela Ravne, gdje su u obližnjoj šumi dvojica vojnika, odvojili [REDACTED] prijeteci mu da će ga zaklati ako im ne preda oružje, naredili mu da se okrene i ispucali pucanj u vazduh, nakon čega je, nekoliko metara dalje, na livadi, osumnjičeni Škrobić Marko, vodeći ostale članove porodice, uhvatio [REDACTED] za grudi i znajući da se radi o civilu, a u namjeri da ga liši života, iz pištolja kojeg je imao kod sebe, ispalio metak u grudi uslijed čega je nastupila trenutna smrt [REDACTED]

Dakle,

Za vrijeme ratnog stanja u BiH, kršeći pravila međunarodnog humanitarnog prava, lišio života jedno civilno lice.


Čime je,

Učinio krivično djelo Ratni zločin protiv civilnog stanovništva iz člana 173. stav 1. tačka c), u vezi sa članom 180. stav 1. Krivičnog zakona Bosne i Hercegovine.

Temeljem izloženog podnosim:

PRIJEDLOG
za izvođenje dokaza

I Da se saslušaju svjedoci :



II Da si izvrši uvid u slijedeće dokaze:

1. Odluka predsjedništva o proglašenju ratnog stanja od 20.06.1992.godine.sl. list RBiH broj:7/92
2. Akt PU Travnik, izvod iz kaznene evidencije za Škrobić Marka broj:02/7-5-04-2-3894/07 od 12.06.2007.godine
3. Akt PS Kotor Varoš, broj:10-9/02-234-1180/07 od 02.07.2007.godine
4. Uvjerenje o državljanstvu na ime Škrobić Marko broj: 204-343/07 od 22.06.2007.godine
5. Akt Porezne uprave Novi Travnik broj:10-06-04-49-3988/07-Ž.S. od 05.11.2007.godine
6. Akt Federalnog ministarstva za pitanje boraca i invalida broj: 07/1-03-127-1/07 od 22.10.2007.godine
7. Akt Sipa-e broj: 17-12/3-04-2-101-2/07
8. Izvod iz matične knjige umrlih za lice [redacted] od 21.03.2000.godine
9. Kopija Kartona lične karte na ime Škrobić Marko
10. Kopija kartona lične karte na ime [redacted]

11. Provjere izvoda iz baze CIPS za Škrobić Marka

12. Provjere izvoda iz baze CIPS za [REDACTED]

REZULTATI ISTRAGE

Tužilaštvo BiH je otvorilo istragu protiv osumnjičenog Marka Škrobića, zbog sumnje da je počinio krivično djelo ratni zločin protiv civilnog stanovništva iz člana 173. KZ BiH, prihvatajući pri tome i istražne radnje provedene od strane Okružnog tužilaštva Banja Luka.

Nakon provedene istrage protiv osumnjičenog Škrobić Marka zbog izvršenja krivično-pravnih radnji činjenično opisanih u dispozitivu ove optužnice, Tužilaštvo BiH je našlo da postoji dovoljno dokaza da je osumnjičeni Škrobić Marko počinio krivično djelo za koje se tereti, te je protiv istog podignuta optužnica zbog krivičnog djela Ratni zločin protiv civilnog stanovništva iz člana 173. stav 1. tačka c) Krivičnog zakona Bosne i Hercegovine, a što je suprotno odredbama Međunarodnog humanitarnog prava, pri tome kršeći odredbe člana 3. Ženevske konvencije o zaštiti civilnih lica za vrijeme rata i člana 51. stav 1, 2 i 3 Dopunskog protokola I, uz Ženevsku konvenciju o zaštiti civilnih lica u vrijeme rata od 12.08.1949. godine.

Da je u kritičnom periodu postojao oružani sukob na području BiH, nesporno proizilazi iz Odluke o proglašenju neposredne ratne opasnosti Predsjedništva RBiH od 09. aprila 1992. godine (Sl. RBiH 1/92) i odluke o proglašenju ratnog stanja Predsjedništva RBiH od 20. juna 1992. godine (Sl. RBiH br. 7/92) kao i iskaza saslušanih svjedoka.

Da je osumnjičeni u inkriminirajućem periodu bio pripadnik HVO-a Kotor Varoš proizilazi iz akta pribavljenog od strane Federalnog ministarstva za pitanje boraca i invalida domovinskog rata broj:07/1-03-127-1/07 od 22.10.2007. godine.

Osumnjičeni Škrobić Marko svoju odbranu iznio je šutnjom.

Svjedoci događaja i to: [REDACTED]

[REDACTED] u više navrata i to pred okružnim tužiocem Banja Luka, te pred tužiocem Tužilaštva BiH jasno,

nedvosmisleno i saglasno opisali su okolnosti pod kojima je ubijen

Iz iskaza saslušanih svjedoka nedvojbeno proizilazi da osobe lišene slobode nisu bile aktivno uključene u neprijateljstva u relevantno vrijeme, nego su zarobljene kod svojih kuća kao civili u civilnoj odjeći i bez ikakvog naoružanja. Shodno tome ubijena osoba po mišljenu Tužiteljstva Bosne i Hercegovine imala je status civilne osobe i uživala je zaštitu pravila međunarodnog humanitarnog prava.

Blanketni propis

Član 3. Ženevske konvencije o zaštiti civilnih žrtava za vrijeme rata od 12. augusta od 1949. godine propisuju da:

(1) Prema osobama koje ne sudjeluju direktno u neprijateljstvima podrazumjevajući tu i pripadnike oružanih snaga koji su položili oružje i osobe onesposobljene za borbu uslijed lišenja slobode ili iz bilo kojeg drugog razloga, postupat će se u svakoj prilici čovječno, bez ikakve nepovoljne diskriminacije zasnovane na rasi, boji kože, vjeri ili uvjerenju, spolu, rođenju ili imovnom stanju, ili bilo kojem drugom sličnom mjerilu.

U tom cilju, zabranjeni su i ubuduće se zabranjuju, u svako doba i na svakom mjestu prema gore navedenim osobama slijedeći postupci:

a) povrede koje se nanose životu i tjelesnom integritetu, naročito sve vrste ubistava, osakaćenja, svireposti i mučenja;

b) povrede osobnog dostojanstva, naročito u vredljivi i ponižavajući postupci.

Iz svih objektivnih dokaza kao i iskaza saslušanih svjedoka navedenih u ovoj optužnici proizilazi osnovana sumnja da je Škrobić Marko počinio krivično djelo Ratni zločin protiv civilnog stanovništva iz člana 173. stav 1. tačka c), a u vezi sa članom 180. stav 1. istog zakona, u vrijeme, mjestu i na način opisan u dispozitivu ove optužnice. Osumnjičeni je prilikom izvršenja ovog djela postupao umišljajno, jer je bio svjestan svog djela i htio njegovo izvršenje.

Kompleksno cijeneći činjenični supstrat sadržan u izreci optužnice, a koji je potkrijepljen dokazima, kako materijalnim tako i subjektivnim, kao jedini mogući zaključak nameće se da se u radnjama osumnjičenog stiču sva bitna obilježja krivičnog djela ratni zločin protiv civilnog stanovništva, za koje krivično djelo se protiv njega i podiže ova optužnica, zbog toga

predlažemo da Sudija za prethodno saslušanje ovu optužnicu u cijelosti potvrdi.

Materijal koji potkrepljuje navode optužnice

1. Zapisnik o ispitivanju osumnjičenog Marka Škrobića broj:KT-RZ-165/07 od 17.12.2007.godine
2. Zapisnik o saslušanju svjedoka [redacted] broj: KT-RZ-165/07 od 18.06.2007.godine
3. Zapisnik o saslušanju svjedoka [redacted] broj:KT-RZ-165/07 od 18.06.2007.godine
4. Zapisnik o saslušanju svjedoka [redacted] broj:KT-RZ-165/07 od 14.06.2007.godine
5. Zapisnik o saslušanju svjedoka [redacted] broj:KT-RZ-165/07 od 14.06.2007.godine
6. Zapisnik o saslušanju svjedoka [redacted] broj:KT-RZ-165/07 od 06.11.2007.godine
7. Odluka predsjedništva o proglašenju ratnog stanja od 20.06.1992.godine.sl. list RBiH broj:7/92
8. Akt PU Travnik, izvod iz kaznene evidencije za Škrobić Marka broj:02/7-5-04-2-3894/07 od 12.06.2007.godine
9. Akt PS Kotor Varoš, broj:10-9/02-234-1180/07 od 02.07.2007.godine
10. Uvjerenje o državljanstvu na ime Škrobić Marko broj:204-343/07 od 22.06.2007.godine
11. Akt Porezne uprave Novi Travnik broj:10-06-04-49-3988/07-Ž.S. od 05.11.2007.godine
12. Akt federalnog ministarstva za pitanje boraca i invalida broj: 07/1-03-127-1/07 od 22.10.2007.godine
13. Akt Sipa-e broj 17-12/3-04-2-101-2/07
14. Izvod iz matične knjige umrlih za lice [redacted] od 21.03.2000.godine
15. Kopija Kartona lične karte na ime Škrobić Marko
16. Kopija kartona lične karte na ime [redacted]
17. Provjere izvoda iz baze CIPS za Škrobić Marka
18. Provjere izvoda iz baze CIPS za [redacted]

PRIJEDLOG ZA PRODUŽENJE PRITVORA NAKON POTVRĐIVANJA OPTUŽNICE

U skladu sa članom 227. stav 1. ZKP-a BiH, a u vezi sa članom 137. ZKP-a BiH Tužilaštvo BiH stavlja prijedlog da sudija za prethodno saslušanje, nakon što potvrdi postojanje osnovane sumnje da je osumnjičeni počinio krivično djelo koje mu se stavlja na teret i potvrdi optužnicu, pritvor prema osumnjičenom Škrobić Marku produži do završetka glavnog pretresa, iz razloga navedenih u članu 132. stav 1. tačka a) i b) ZKP-a BiH.

Tužilaštvo BiH smatra da postoje pored osnovane sumnje koja je utvrđena u ranijim rješenjima o određivanju pritvora Suda BiH i pritvorski razlozi predviđeni članom 132. stav 1. tačke a) i b).

Kada je u pitanju pritvorski razlog previđen odredbom člana 132. stav 1. tačka a) ZKP-a BiH Tužilaštvo BiH napominje da postoje sasvim realne okolnosti koje ukazuju na opasnost od bjekstva osumnjičenog ukoliko bi isti bio pušten na slobodu.

Nakon potvrđivanja optužnice i dostavljanja iste sa cjelokupnim dokazima osumnjičenom, isti će postati svjestan težine krivično pravne radnje koja mu se stavlja na teret i dokaza protiv njega, te će se kod osumnjičenog stvoriti jak motiv da se da u bjekstvo i izbjegne krivično gonjenje i krivičnu odgovornost. Kada se naprijed navedenom doda i činjenica da osumnjičeni Škrobić Marko pored državljanstva BiH posjeduje i državljanstvo Republike Hrvatske, jasno se može zaključiti da sve ove činjenice predstavljaju vrlo izražene okolnosti koje ukazuju na opasnost od bjekstva osumnjičenog, ukoliko mu mjera pritvora ne bi bila određena iz razloga predviđenih članom 132. stav 1. tačka a.) ZKP-a BiH.

Pored naprijed navedenog Tužilaštvo BiH napominje da susjedne zemlje pa i Republika Hrvatska vrlo teško izručuju svoje državljane, a posebno lica osumnjičena za ratne zločine.

U prilog tome govore i odredbe Evropske konvencije o ekstradiciji koje dozvoljavaju stranama ugovornicama, među kojima i Republika Hrvatska da uskrate izručenje svojih državljana, a Republika Hrvatska je i iskoristila rezervu u tom pogledu.

Slijedom naprijed navedenog Tužilaštvo BiH smatra da su ispunjeni uslovi da sudija za prethodno saslušanje Suda BiH odredi pritvor prema osumnjičenom Škrobić Marku iz razloga predviđenih članom 132. stav 1. tačka a.) ZKP-a BiH.

Tužilaštvo BiH smatra da i dalje postoje pritvorski razlozi predviđeni članom 132 stav 1. tačka b) ZKP-a BiH, tj da će osumnjičeni ukoliko mu pritvor ne bude produžen izvršiti uticaj na svjedoke i saučesnike u predmetnom krivičnom djelu.

Svjedoci koje je Tužilaštvo saslušalo su očevici, a neke od njih i žrtve krivičnog djela koje se osumnjičenom stavlja na teret. Tužilaštvo ističe da ipak postoji realna opasnost da osumnjičeni izvrši uticaj na svjedoke i saučesnike u ovom krivičnom predmetu obzirom na to da se radi o licima koja su osumnjičenom dobro poznata jer su prije rata bili komšije, te postoji opravdana bojazan da će osumnjičeni Škrobić Marko, u cilju vlastite odbrane, a u slučaju da bude pušten iz pritvora uticati na svjedoke i saučesnike i tako pokušati da izbjegne krivičnu odgovornost.

Po mišljenju Tužilaštva BiH prema osumnjičenom opravdana je mjera pritvora iz razloga što bi potvrđivanjem optužnice predstojala druga faza potupka jer svjedoci svoje iskaze trebaju dati bez pritiska iz straha za sebe i svoje porodice od eventualnih posljedica koje mogu nastati usljed davanja iskaza. Iskazi svjedoka dati u toku istrage nemaju vrijednost ukoliko svjedoci bez ikakvog pritiska ili straha ne ponove svoje iskaze na glavnom pretresu što opravdava određivanje pritvora na temelju razloga predviđenih članom 132. stav 1 tačka b). ZKP-a BiH

Pored naprijed navedenog Tužilaštvo BiH naročito napominje da bi osumnjičeni Škrobić Marko itekako mogao izvršiti uticaj na svjedoke i saučesnike u ovom krivičnom predmetu obzirom da se iz dopisa Državne agencije za istrage i zaštitu od 29.10.2007. godine, jasno može zaključiti da su neki od saučesnika nastanjeni na području Republike Hrvatske, znači van nadležnosti organa gonjenja BiH, a pored toga kako je već navedeno i osumnjičeni posjeduje državljanstvo Republike Hrvatske što predstavlja osnovanu bojazan da bi se osumnjičeni vrlo lako mogao povezati s tim licima ukoliko mu mjera pritvora ne bi bila produžena na osnovu člana 132. stav 1. tačka b) ZKP-a BiH.

Cijeneći naprijed navedeno smatramo da je prijedlog za produženje pritvora prema osumnjičenom u cijelosti osnovan iz kojih razloga predlažemo da se istom udovolji.

S obzirom na naprijed navedeno Tužilaštvo BiH predlaže da sudija za prethodno saslušanje Suda BiH, nakon što potvrdi optužnicu Tužilaštva BiH i utvrdi postojanje osnovane sumnje, donese rješenje kojim se osumnjičenom Škrobić Marku određuje mjera pritvora iz razloga predviđenih članom 132. stav 1. tačka a) ZKP-a BiH i kojim se prema osumnjičenom produžava mjera pritvora na temelju razloga predviđenih članom 132. stav 1. tačka b) ZKP-a BiH.

PRIJEDLOG
DA SE NA OSNOVU ČLANA 27. ZKP BiH PRENESE VOĐENJE
POSTUPKA MJESNO NADLEŽNOM SUDU

Tužilaštvo BiH iznosi ovaj prijedlog iz slijedećih važnih razloga:

Sudu je poznato da Tužilaštvo BiH, odnosno Posebni odjel za ratne zločine Tužilaštva BiH u skladu sa internim kriterijima procesuiraju krivične predmete ratnih zločina koji se imaju smatrati najkompleksnijim, odnosno najosjetljivijim predmetima. Ovaj predmet, prema ocjeni Tužilaštva BiH ne zadovoljava zadate kriterije kompleksnosti, jer radnja za koju se sumnjičeni tereti je samo jedna radnja izvršenja, a posljedice kod izvršenja djela su mnogo blaže nego što je kod većine predmeta koji se procesuiraju pred Sudom BiH. Prenos ovog predmeta bi također omogućio da se ostali naročito kompleksni predmeti u smislu i činjenične i pravne kompleksnosti neometano i kvalitetno vode pred Sudom BiH, što bi moglo biti umanjeno ukoliko bi se većina predmeta manje složene činjenično-pravne prirode vodila pred ovim sudom. Pored toga, po mišljenju Tužilaštva BiH neophodno je da Sud BiH održi vanjski izraz poštivanja najviših standarda profesionalnosti kao i povjerenja javnosti u pravosudne institucije BiH što će biti na najbolji način sačuvano upravo ako Sud BiH provodi postupak u najsloženijim činjenično-pravnim predmetima ratnih zločina.

Tužilaštvo takođe napominje da su ostali uslovi koji pružaju osnov za prenošenje ovog predmeta mjesno nadležnom sudu kumulativno ispunjeni, a to je da glavni pretres nije započeo u ovom predmetu i da krivično djelo za koje se osumnjičeni tereti ne spada u krivična djela usmjerena protiv integriteta BiH.

Pored toga, tužitelji Posebnog odjela za ratne zločine Tužilaštva BiH, rade intenzivno na okončanju velikog broja istraga ratnih zločina, pa Sud

može očekivati i podizanje novih optužnica što bi dovelo i do velikog opterećenja Suda.

Mišljenja smo da niži sudovi nisu opterećeni tolikim brojem predmeta ratnih zločina, kao što je to slučaj na Sudu BiH, te stoga smatramo da bi i mjesno nadležni sud u konkretnom predmetu mogao provesti kvalitetan i efkasan krivični postupak.



ZAMJENIK GLAVNOG TUŽITELJA
TUŽILAŠTVA BiH
M. Parašić
Parašić Milorad